

INCIPIUNT

EPIGRAMMATA DOMINI CYPRIANI

ARCHIPRESBYTERI CORDUBENSIS SEDIS

Ad petitionem ADULFI edita ^a.

I.

Hoc opus illustri comitis clarescit Adulf,
 Qui sumptis propriis librorum teca novavit;
 Qua novi habentur, veteresque in ordine libri
 Testamenti veri inbiant ad æthera victum
 Pergere mansurum parat, et tollere clamat;
 Hoc cibo quis fuerit pastus, haud aggravat exta ^b,
 Nec ventrem farcit, sed crebre spiritum alit.
 Hinc fons perspicuis paradisi surgit a limphis:
 Hic dulcis haustus effluit in pectoris antro,
 Hic largos latices per mundi compita mittit
 Hæc forisque renidet argenti claro metallo,
 Et intus cluit spiritalis gratiæ dono.
 Obtulit nempe Deo prædictus comes Adulfus
 Memoriam penes Aciscii martyris almi,
 Cordoba sacra conditus qua sistit in aula.
 Vernulus patronus jam fastus ^c testis alumnus,
 Ut tantillo tantus dignetur impendere martyr,
 Obtineat meritis Christus ut scelera sua
 Tergat, atque animam caritatis claustra relicta,
 Cœlicolis glomeret felici in sede beata.
 Oblatis bonis fueris dum lector adeptus,
 Adsis pro me Deo acclinis posco Adulfus:
 Suscipe nunc, pater Fredenande Kare, tuendam
 Tecam, quam ipse tuus comptam patravit Adulfus,
 Ut legens relegas, et puro pectore serves,
 Si illius præceptis libens consenseris ipse,
 Securus ad aulam poteris conscendere cœli.

II.

Item ejusdem ad petitionem Zoy'i sui in fidem Biblio-
thecæ ^d, quam scripserat Saturnino archidiacono.

Laudum vota tibi Zoylus gratus persolvere nitor
 Christo Redemptori auctori, et Domino meo:
 Cujus fultus ope tantum explevi laborem.
 Dum finem adieris istius thecæ legendæ,
 Pro me Deum preceris, lector, intente depono;
 Sic valeas Christo post ævum frui securus.

III ^e.

Terge luctum mœrens, parta virentia vides,
 Alesque pipant, diverso modulamine voces.
 Et liquor meri currat in ore temeti.

^a Ms., editi.

^b Ms., extas.

^c Faustus.

A

IV.

Ejusdem Cypriani cujus supra.

Renidet in manu flabellum comitis almi,
 Litteris conscriptum aureis, ut competit illi,
 Nomine Guifredus ex sacro gurgite dictus.
 Ut pellat æstum aura suadente flabello,
 Trade libens comes gloriosæ conjugi illud,
 Simili ut modo incumbentem dissipet æstum
 Guisindæ dictæ, et tuo in latere nexæ.

V.

Item alii ejusdem in flabello.

Guisindis dextram illustris adorna flabelle,
 Præbe licet falsos ventos, ut temperet æstum
 Tempore æstivo defluxa membra refovens.
 Pansus et officium implens per ^f omnia tuum.

VI.

Epitaphium quod isdem in sepulcro domini Samsonis
edit metro heroico.

Quis quantusve fuit Samson clarissimus abba,
 Cujus in urna manent hæc sacra membra in aula,
 Personat Hesperia illius fame fota.
 Flecte Deum precibus, lector, nunc flecte peroro
 Æthera ut culpis valeat conscendere tersis.
 Discessit longe notos plenusque dierum.
 Sextilis namque mensis die vicesima prima.
 Sextilis namque mensis primo et vicesimo sole.

Æra deccccxxviii.

VII.

Item epitaphium ab eodem editum.

Nobilis hic exstat Hermildis in busto locata,
 Quæ Christo famulans temnendo sæculi pompam.
 Hic jubilans plaudensque heroum conscendit in aulam.

VIII.

Epitaphium super tumultum sancti Joannis
confessoris.

Carceres et diva Joannes ferrea vincla
 Christi amore tulit: hæc functus in aula quiescit.

^d Per hanc vocem intellige locum in quo asservantur libri Veteris et Novi Testamenti, *Biblia* scilicet.

^e Deest titulus in codice.

^f Ms., imper.